



Anárjoga
álbmotmeahcci

Diedáhus álggaheami birra:

Anárjoga álbmotmeahcci hálddašanplána






Anárjoga álbmotmeahcci

Suodjaleami álgín ja ulbmil

Anárjoga álbmotmeahcci áсахuvvui gonagaslaš resolušuvnna bokte juovlamánu 19.b. 1975. Suodjaluvvon guovllu areála lea 1 414 301,2 dekára (daa) dahje 1 414,3 km² ja lea Sis-Finnmárkkus. Álbmotmeahcci leabbana Guovdageainnu suohkana nuorttit oasi ja Kárášjoga giedda lulit oasi badjel. Nuortalulábealde lea Suoma Lemmenjogi álbmotmeahci rádji, ja orješlulábealde fas Hammastunturi ávdinguovllu rádji.



Suodjaleami ulbmil

Anárjoga álbmotmeahci ulbmil lea bisuhit oasi Finnemárrkkuoddaris oktan luondduhtagiiguin mat doppe leat, nugo beahcevuovddi, soahkevuovddi ja duoddara gos leat skirrit, jeakkit, jávrrit ja vuollegis várít. Eallit ja šattut galget beassat šaddat unnit eanet ráfis olbmo váikkuheami haga.



Anárjoga álbmotmeahcci

Manne ráhkadit hálddašanplána?

Hálddašanplána galggašii doaibmat praktihkalaš veahkkeneavvun suodjalanulbmila bisuheamis ja ovddideamis. Plánas galget leat konkrehta njuolggadusat geavaheami, diehtujuohkima, dikšuma, vejolaš heivehemiid jna. birra suodjalanláhkaásahusa vuodul, ja galgá dainna lágiin sihkkarastit suodjalanguovllu ovttalaš hálddašeami.

Hálddašanplána veahkeha garvit ovttaskas soaittáhtmearrádusaid, mat sáhttet dagahit suodjalanárvvuid ovddi. Dainna lágiin hálddašanplána maidái váikkuha suodjalusguovlluid einnostahtti hálddašeami ja váiduda konflikttaid.

Suodjalanguovlluid láhkaásahus stivre hálddašanplána olggut rámmaid. Hálddašanplána bokte ii sáhte addit lobi doaimmaide mat eai leat lobálaččat suodjalanláhkaásahusas. Ja nuppe ládje ii sáhte hálddašanplána bokte hilgut doaimmaid mat leat lobálaččat suodjalanláhkaásahusas. Lassin sáhtta addit lobi olu doaimmaide ja aktivitehtaide. Hálddašanplánas geahččalit čilget masa sáhtta/berre addit lobi.

Proseassa – hálddašanplána ráhkadeapmi

Anárjoga álbmotmeahcistivrras (hálddašaneiseváldi) lea ovddasvástádus ráhkadit Anárjoga álbmotmeahci hálddašanplána. Ovdal go hálddašanplána bargu álggahuvvo, de galget suohkan, eananeaiggádat, vuoigatvuodalaččat ja áigequovdilis geavaheaddjiavkkut oazžut dieđu ahte bargu lea álgime.

Sihkkarastin dihte báikkálaš mielváikkuheami, de mii háliidit cegget referánsajoavkku dán bargui. Evttohit čuovvovaš beroštusaid ovddasteaddjin referánsajovkui:

- Guovdageainnu suohkan
- Kárášjoga gielda
- Finnmárkkuopmodat (FeFo)
- Luondduárvvuid, olggustallama ja áhpásmahttima geavaheaddjiberošteaddjit (gilisearvvit, bivdiid- ja guolásteddjiidsearvi ja earát)
- Boazoorohagat main lea guohtuneatnamat álbmotmeahcis
- Stáda asahusat

Suodjalanguovllu čállingoddi jođiha joavkku ja doaimmaha čállingoddebarguid. Suodjalanguovllu stivra lea stivrenjoavku. Hálddašanplána kvalitehtasihkkarastimis lea referánsajoavku dehálaš. Dán joavkkus bivdet ráđiid dehálaš fáttáid birra mat berrejit leat mielde plánas. Go álggahanmearrádus lea sáddejuvvon, de láchčojuvvo čoahkkin referánsajoavkkuin nu jođánit go vejolaš. Jus ii menestuva čoahkkanit fysalaččat, de lágidit digitála čoahkkima.



Hálddašanplána sisdoallu

- Presiseret ja čilget suodjalanláhkaásahusa, sihke suodjalanulbmila ja ovttaskasmearrádusaid
- Duodaštit luonddu, kulturmuittuid ja geavaheaddjiberoštusaid dili
- Defineret hálddašanulbmila, dás maiddái gáhttenmihtu, luonddu- kulturkvalitehta dili vuodul
- Defineret dárbblaš ja/dahje sávahahtti doaimmaid
- Buktin ovdan oppalašgova bargguid hárrái oktan ovddasvástádusjuoguin ja válddiin
- Guossástallanstrategia

Makkár fáttát leat dehálaččat hálddašanplánas?

Mánja fáttá leat áigejuovdilát plánas. Vuolleis leat čállon muhtun čuoggát, ja suodjalanguovlostivra háliida máhcahagaid daid birra, ja eará fáttáid mat din mielas leat dehálaččat fátmastit hálddašanplánas.

- Guovlu lea dehálaš dálveguohtun boazodollui, ja lea dehálaš čállit dálá geavaheami birra ja teknihkalaš installašuvnnaid birra (guođohanbárttat, áiddit ja rusttegat).
- Davábealde álbmotmeahci lea guovlu mii lea nannosit ásahuvvon destinašuvdna sihke geasset ja dálvet (Andreas Nilsena barta álbmotmeahci olggobealde). Dattetge lea dehálaš dán atnit muittus plána ráhkadeami oktavuodas.
- Álbmotmeahci guovllut leat historjjálaččat leamaš anus meahcástallamii ja resursan guhkit áiggi, vaikko dál eai ása doppe olbmot earret go boazodoallit dálveguohtuma oktavuodas. Guovllus leat muhtun kártejuvvon kulturmuittut, muhto jáhkkimis doppe leat olu kulturmuittut mat eai leat vel kártejuvvon.
- Guovllus leat ássanbázahusat – Maid galgá bargat viesuiguin/viessobázahusaiguin (nuoskkideapmi – mieskan dimbbarbárttat/áittit).
- Heiveheapmi/diehtujuohkin gussiide – galledanstrategiija (mielddus hálddašanplánii).
- Dálkkádatrivdademiid váikkuhusat buktet ođđa hástalusaid, erenomážit boazodoallui.

Čoahkkimat:

Láigiduvvojit čoahkkimat gosa buohkat, geat háliidit buktit cealkámušaid dahje háliidit oažžut dieđuid hálddašanplána birra, leat bures bohtin. Čoahkkima birra almmuhuvvo báikkálaš mediain, Facebookas, stivrra ruovttusiiddas ja eará áigejuovdilis forain.



**Anárjoga
álbmotmeahcci**

Ovdánanplána:

| Áššejohtu | Áigeplána |
|--|--|
| Álggahanmearrádus. | Miessemánu 26.b. 2021 |
| Sáddet dieđu álggaheami birra. | Guovvamánu 22.b. 2022 |
| Rabas čoahkkín / digitála čoahkkín. | Njukčamánu 8.b. 2022 Kárašjoga servodatviesus dii 18:00 Njukčamánu 9.b. 2022 Guovdageaidnu Thon hoteallas dii 18:00 |
| Áigemearri buktit cealkámušaid álggahandieđáhussii. | Cuoŋománu 10.b. 2022 |
| Čoahkkáigeassit cealkámušaid ja geahčadit halddašanplána árvalusa ovttas referánsajoavkkuin. | Borgemánu/Čakčamánu 2022 |
| Sáddet halddašanplána Birasdirektoráhttii fágalaš geahčadeapmái. | Juovlamánu 2022 |
| Gulaskuddan. | Njukčamánu 2023 |
| Halddašanplánaárvalus ovddiduvvo referánsajovkui, geahčadit gulaskuddancealkámušaid. | Geassemánu 2023 |
| Stivrenjoavku (álbmotmeahccestivra) dohkkeha plánaárvalusa. | Borgemánu 2023 |
| Sáddet halddašanplána Birasdirektoráhttii dohkkeheapmái ja loahpalaš mearrideapmái. | Čakčamánu 2023 |